## DECLARATION

#### ET MANIFESTE DE MAISTRE

Regent & Doyen des facultez des droicts en l'Université de Tolose, du cinquiesme May 1621.

sur l'Impression faitte à son desceu, au mois d'Auril 1621. de deux siennes Missiues à feu Monseigneur le Cardinal de Ioyeuse, & sur certains autres siens escrits touchant les RR. PP. Iesusses.



A TOLOSE,

Par la Vefue de I. Colomiez Imprimeur ordinaire du Roy & de l Vniuersité, deuant S. Orens.

M. DC. XXI.

Br Fab 64



### DECLARATION

#### ET MANIFESTE DE MAISTRE

Regent & Doyen des facultez des UF droicts en l'Vniuerfité de Tolofe, du cinquielme May 162P.

Sur l'Impression faicte à son desceu, au mois d'Auril 162 t de deux siennes Missiues à seu Monseigneur le Cardinal de Iogense, & sur certains autres siens escrits touchant les RR. PP. I esuistes.



A divine bonté m'auoit faict la grace sur ces sestes de Pasque prochainement passées de me resoudre serieusement me voyant ja sur mes vieux ans & sur le septantiesme de mon âge, à r'entrer en amitié, & reconciliation auec tous ceux

que je pourrois auoir alteré par cy deuant, & singulierement auec les Peres Iesuistes auec lesquels i'auois eu quelque prinse, singulierement sur le faict de l'opposition formée par le Chapitre de l'Eglise Metropolitaine de ceste Ville de Tolose contre l'erection de leur maison Professes. L'estois ja bien auant

dans les recherches de cette vnion, m'y recognoissat estroittement obligé par les lois du christianisme, & de ma conscience, lors que ie receus le 19. d'Auril en cette année 1621. vne missiue de Paris de la part d'vn mien amy que ie ne cognois que par ses lettres, directement opposee à mes intentions & contraire à mes resolutions. Car estimant me faire plaisir & me trouuer en mesme ressentiment qu'autressois, il me donnoit aduis par icelle du dessein qu'il avoit de mettre sur la presse deux de mes lettres enuoyées confidamment à Monseigneur le Cardinal de Joycuse l'an 1613. & 1614. contre ces Peres, & l'establissement de leur dicte maison, rerrouuées apres la mort du Seigneur Cardinal parmy ses papiers plus secrets. Nouuelle, qui heurtant tous mes projects & offençant la charité aux actions de laquelle ie m'estois si auant porté, & si franchement resolu, me sit contremander foudain par la poste ordinaire pour donner à entendre tant le desplaisir que ie receuois d'vne action si hors de saison, & si contraire à mes affections, que le desir qui me restoit de r'auoir mes originaux m'appartenans de droit, pour en abolir à jamais la memoire, comme aussi ma resolution (en cas qu'on passast outre à l'impression ) de repartir à tout, en faueur de la verité, dont l'auois à present plus de cognoissance, que durant les ardeurs des premieres oppositions. Toutesfois ce mien amy sans attendre ma responce precipita cette impression, de sorte que le troisiesme du mois de May suiuant i'en receus deux coppies

auec vne autre sienne lettre sans datte.

I'A v o 1 s tousiours porté vne affection particuliere à tous les Ordres Religieux bien reiglez, y rencontrant pareille correspondance de bien-vueillance & amitié chrestienne, singulierement en cette Compagnie, que ie prisois, honorois, & cherissois tendrement par des longues habitudes, ayant mesme prattiqué plusieurs années mes deuotions en l'Eglise de ·leur College. Mais le subject de leur maison Profes-'se contestée par l'opposition dudict Chapitre (où i'ay l'honneur d'auoir mon second fils Chanoine) auec quelques autres particularitez furent occasion de m'en distraire. Ie consultay cette opposition auec trois personnes fort qualifiées & assez cogneuës par leurs noms & merite. Ie la dressay selon ma conception & sentiment d'alors, & ils la signerent apres moy; comme aussi en suitte de ce dessein i'escriuis audit sieur Cardinal auec pareil ressentiment sur le mesme subject les susdites missiues publiées à presét contre mon gré. Iamais procez n'engendra amitié. Le feu qui auoit commencé à s'allumer sur l'interest & pretention des parties s'embrasa grandement dot s'ensuiuit vn fascheux procez deuolu en fin par euocation du Chapitre au priué Conseil.

Mais pour l'action presente & l'impression de mes deux Missiues que ie porte si fort à contrecœur, ie loue Dieu que par sa prouidence il ayt permis qu'on ayt imprimé conjoinctement une response de Monseigneur le Cardinal, parce qu'elle contient &

A 3

vne charitable remonstrance sur l'acrimonie de mon style, & vne justification de l'Institut des Peres Iefuistes, & vn authentique & certain tesmoignage de la verité & sincerité de mes intentions, & du dessein que l'auois prins de moy-mesme, d'arracher des mains des ennemis de cette compagnie les armes de quelques miennes paroles dont ils s'estoient voulus preualoir selon leurs pretentions diametrallement contraires aux miennes, qui ne concluois qu'à vn reiglement & determination par l'auctorité du Sainct Siege, pour la plus grande gloire de Dieu, & pour le propre aduancement & aduantage, ce me sembloit, de cette compagnie, prenant mesme pour promoteur de mon dessein ledict Seigneur Cardinal comme premier prince de l'Eglise & Doyen du sacré Consistoire, me sousmettant au reste, & offrant de faire en suite tout ce qui en seroit ordonné: Mesme auois-je confidamment & particulierement communiqué ce mien dessein audict Seigneur en Languedoc auant sa derniere maladie de laquelle il languit longuement. L'honneur que j'auois eu de le seruir tres-affectionnément durant tout le temps qu'il resida en Tolose, plus pour l'administration de sa Prelature, que pour autre subject, me donnoit plus de liberté de luy faire voir le fond de mes pensees, auec pareille confiance de participer auec toute franchise à ses sages aduis. Voicy la reneur de sadicte response auec quelques varietez de leçon peu importantes escrites à la main sur le marge de l'imprimé qui me fut enuoyé, ce qui tesmoigne que l'impression en a esté faicte sur quesque minute broüillée que ie n'ay peu conferer auec la lettre qu'il pleut à mondit Seigneur Cardinal m'enuoyer, pour ne l'auoir sceu trouuer entre plusieurs autres que i'ay eu l'honneur d'auoir autressois receües de luy.

Monsieur Maran, i'ay receu deux de vos lettres ausquelles i ay à respondre, principalement à la derniere qui n'a point de datte. Et ne l'ay plus tost faict par ce que depuis i'ay esté malade, & par ce ausi que iy ay quelque peine, d'autant qu'ayant esté perpetuellement & en toutes choses de vossire opinion, ie luis marry d'en auoir vne seule à excepter: Mais, par ce que vous auriez occasion de douter si la profession publique que ie fay & ay toufiours faitt d'estimer vostre ingement, vostre (cience, & vostre piere, & la sincerité qu'elle a, si vous me voyez vous disimuler, ou mentin en quelque chose, ie viens auec la liberté à un parfaict amy à vous dire que i'ay leu soigneusement vostre consultation. & encor que ie ne sois pas capable de iuger de ce qui part de Vostre main, qui est tousiours tres-elaboré, si est-ce qu'on cognoistra que ie vous diray franchement, que pour le fond de la cause dont il s'agit, c'est à scauoir de ne permettre une maison Professe à Tolose, se trouve que vous pouvez estre bien fondé à la deffenore, & en trouve les raisons preignantes & principallement celle d'attendre vn Archeuesque, & celle du grand nombre des Mandians qui est dans la Ville. De sorie que si'er se esté encor Archeuesque de Tolose & que i eusse mis le fact en deliberation, encor que mon aduis enst esté, ce croy-ie, de les recenoir, si est-ce que i ensse suiny ce qui enst esté conclud par la

pluralité, encor mesme que le n'eusse esté tenu de la suiure. Par ainsi iusques-la vostre-dicte consultation m'a fort pleu: mais excusez-moy, si ie vous dis que tant de paroles er conceptions piquantes qui suivent apres, semées parmy tout cet acte me semblent passer les bornes d'vae consultation, & l'imprimer encor d'auantage. Et certes Monsieur Maran, il me sembloit en la lisant que ie vous voyois auoir prins par mesoarde vne espine, au lieu de vostre plume accoustumée à vn style plein de douceur & de charité, & ce contre vne compagne Religieuse approuuée du SainEt Siege, qui par tant de bons liures, par tant de predications, par tant de disputes contre les Heretiques, par tant de Voyages, de sueurs & de sang mesme espandu aiusquesicy, & ne se peut nier, serui tres-viilement l'Eglise de Dieu, lesquelles choses solides, presentes, & certaines, d'inent ce me semble auoir plus de force pour les louer & fauoriser, que de les reietter par la crainte qu'ils ne se rédent, comme vous me dictes par vostre lettre, en fin Arbitres & Mustres en l'Eglise & en l'Estat, faisant la loy & se rendant formidables aux Papes, aux Rois, & à toute la Chrestienté, aumoyen des grands auantages dont ils s'emparent iournellement: veu que tout cela ne sont encores que des soubçons estoignez & incertains, & ausquels il y auroit bien du remede lors qu'on verroit estre besoin. Ie veux adiouster que la chose qui m'a faict encor estre le plus marry de vostre derniere consultation, est, qu'elle a merueilleusement pleu aux Heretiques en Angleterre & en Allemagne, qui s'en servent contre l'Eglise, & en font trophée, qui est chose bien essoignée de vostre intention, & a pleu encores dauantage non seulement aux Heretiques de France, mais à ce grand nombre de mauuais Catholiques 9

tholiques que nous y auons, que ie scay bien que vous n'aymez pas, & que ie crains maintenant encore plus que les Heretiques mesmes, qui prennent vn trop grand aduantage de pouuoir dire, nous disons auec Monsieur Maran, & vous scauez pourtant que cette maxime est veritable que nous ne deuons nous seruir d'vne chose, quelque apparence de bien qu'elle ave, & encor mesme qu'elle soit bonne, si elle plait & est approuuée par nos ennemis, y ayant grande raison de croire qu'ils crieront le mal plus grand, pour nous, que le bien qui nous en peut arriver: I e ne laisse pourtant de tenir, veu l'estime que ie vous ay dict auoir tousiours eu de vous, & la cognoissance que i'ay de vostre bonne intention, que vos raisons en effect ne soient meilleures que ie ne les puis comprendre; & suis bien asseuré que ce n'est pas à la compagnie à qui vous en voulez, veule grand bien que de tout temps, & freschement ie vous en ay ouy dire, mais que vous iugez qu'en quelque chose elle doine estre bornée & reiglée. Tellement que ie ne pense pas que vous puissiez prendre vn meilleur conseil que celuy qui vient de vous, & que vous mesmes me dittes à Sigean, qui est de declarer que ce n'est que cette limite que vous pretendez. Mais qu'au reste cette compagnie continuant de bien feruir l'Eglise comme elle a faict insques icy, que vous la ingez dione de toute louange, & de toute faueur, & tant s'en faut qu'il me semble que ce qui s'est passé depuis vous doine retirer du dessein & resolution que vous auiez prinse, que ie crois au contraire que cela vous y doit confirmer; Car vostre pieté & vostre courage en reluiront bien dauantage, & donnerez vne tres-grande edification à vn grand nombre de gens de bien, surquey ie me recommande à vos bonnes graces, & prie le

Createur vous donner, Monsieur Maran, en santé longue & heureuse vie. De Sainté-Martin de Pontoise le 17. de Nouembre 1613.

Vostre &c. Le Cardinal de Ioyeuse.

I'A D V O V E librement qu'il est bien mal-aisé & come impossible que parmy vn procez espineux il ne se rencontre des picqueures & poincteures, & que là où il y a de l'emotion & contention il n'y aye de la chaleur & du feu, qui pousse & faict eschaper desparoles d'ardeur, lesquelles blessent la tendresse de la charité & se treuuent contraires au style d'icelle, que Dieu nous a voulu marquer par son propre exemple. Non in spiritu grandi & forti subuertente montes & petras Dominus, non in commotione Dominus non in igne Dominus, sed in sibilo aura tenuis, lib. 3. Reg. cap. 19. vers. 11. qui est la marque de la douceur & humilité cordiale que I E s v s-C H R I S T nous a voulu enseigner de parole & de faict. La deffense pour estre dicte naturellement juste, se doit trouuer dans les bornes des loix, cum inculpatæ tutelæ moderatione l. I. C. Vnde Vi, ce qui passe au delà, n'est plus defense, mais offense 1.6. quisquis. C. de postulando.

L'impression de cette lettre de Mondict Seigneur le Cardinal ne pouvoit estre que grandement vtile & prositable comme venant d'vne des plus sages & considerées personnes de la Chrestienté. Mais au contraire la publication de mes deux Missiues ne

pourroit auoir esté faicte plus mal à propos, ny plus hors de temps & de saison.L'estat de l'opposition du Chapitre de Tolose auoit totalement changé depuis qu'elle fut premierement formée le 20. de Mars 1612. & que la consultation en fut imprimée l'an 1613. Le Chapitre en estoit demeuré d'accord auec les Peres Iesuistes par Arrrest d'expedient prins en ce Parlement de Tolose, & s'estoit ledict Chapitre totalement desparty de son opposition & euocation. ·Le Siege Archiepiscopal vacquant lors de l'opposition, se trouuoit dignement remply de la personne de Messire Louys de la Vallette à present Cardinal, Prelat tres-docte & fort accomply en toutes bonnes qualitez, qui ayant esté nourry & institué au College de la Flesche, a pleine cognoissance du bien qu'on doit attendre desdicts Peres, & a presté sur icelle son plein consentement à l'establissement de leur maison Professe en Tolose. De maniere que la raison de la vacquance du Siege, sur laquelle Monseigneur le Cardinal de Ioyeuse auoit creu qu'on se pourroit fonder en l'opposition, cessoit entieremet, & se trouuoit au contraire changée en faueur desdicts Peres. La rencontre du grand nombre de Mendians qui font dans la ville, surquoy Monseigneur le Cardinal de Ioyeuse s'estoit aussi arresté, se trouue en termes d'estre grandement accommodée par le reglement general de la police des pauures, dont les fondements sont jettez par l'establissement du lanifice, qui peut donner à viure à grand nombre de pauures au fou-B 2

lagement & aduantage des Ordres Mendians. Ioinct que la surcharge de cette nouvelle maison Professe est, ou de nulle, ou de tres-petite consideration dans Tolose, si on se donne le loisir de peser, qu'il y aura peu de Peres Profés, estans iceux en petit nombre, & occupez pour la plus part és predications & autres actions de leur Institut en diuers endroicts de leur Prouince. Outre que leurs exhortations seruiront beaucoup pour porter ceux qui en ont la faculté, à secourir d'autant moins escharsement les autres. Ordres Mendians, & à reprimer la pompe & le luxe, qui pourroit diuertir ces pieuses liberalitez; comme onne peut desaduoüer que les actions & fonctions ordinaires de leur Compagnie n'ayent contribué beaucoup à ce que tous nos Monasteres soiet mieux fournis & en nombre & en qualité de personnes, plus frequentez en l'vsage des Sacrements, & autres actions de pieté, plus abondamment pourueus des choses necessaires, & mieux appointez en bastiments & Eglises qu'on ne les voyoit au parauant. La diuine prouidence vnique source des esprits Religieux & principal estançon de la pauureté Euangelique inspirée à ces Ordres, ne manquera aussi de son chef d'assistance & secours pour conduire le tout à fa fin, & n'y a-il aucun juste subject sur lequel les personnes sidelles en doiuent apprehender si fort le delaissement, & entrer en messiance d'vn tel garant. Comme aussi ledict Seigneur Cardinal de Ioyeuse (mort depuis fort Chrestiennement entre les mains

de ces bons Peres, auec les ressentiment & estime d'iceux telle que toute la France scait assez,) n'auoit pas laissé pour toutes ces apprehensions de s'en rendre luy-mesme intercesseur, & suppliant enuers seu de tres-heureuse memoire Henry le Grand, qui en permit l'erection dés le 12. Decembre 1607, par ses lettres Patantes registrées au Parlement de Tolose le 12. Feurier 1608. Le corps de la Ville cy deuant opposant auoit par deliberation du Conseil des feize quitté son opposition & consenty au contraire à l'establissement de la maison Professe. Le Curé de la Parroisse où elle se trouue assise y a de mesme consenty. Nostre bon & tres-Chrestien Prince Louys le Iuste l'a no seulement permise, mais encor a tesmoigné qu'il l'a desiroit si auant qu'il s'en vouloit rendre le Fondateur, comme nous auons apprins par ses lettres closes & patantes, où il declare par exprez, que l'Ordre & Compagnie de ces Peres est grandement vtile au bien de ses Estats; & nous oblige en suitte de contribuer à fon accroissement & installation, puisque la fimple volonté & inclination du Prince doit seruir de loy à tous ses bons & fideles subjects. Comme aussi la Cour de Parlement qui dez tout temps a esté fauorable à cette Compagnie en a volontiers verifié & registré les prouisions, & les citoyens particuliers ont generalement aggreé l'erection de cette maison, comprenant les fruicts remarquables qui en reüssiront à l'auantage du public. Mesme l'establissement en a esté reellement faict &

B 3

executé suivant l'vsage de tant d'autres Villes de la Chrestienté & aucunes de ce Royaume. Il estoit donc bien hors de saison & de propos, de faire imprimer ces deux Missiues considemment & secretement escrites sur la premiere & plus grande chaleur

du procez & de l'opposition.

L'Es to 1 s moy-mesme encor plus changé au dedons de moname que les affaires ne l'estoient au

dedans de mon ame, que les affaires ne l'estoient au dehors. Le silence de ces Peres, & leur longue patience, qui les a portez à ne poinct repartir par escrit. comme il leur eust esté fort aisé, joincte la douce force de l'amiable admonition de feu mondict Seigneur le Cardinal, & sur tout les mouuemens de ma conscience m'ont rendu juge en ma cause propre, au lieu que j'estois comme partie, & m'ont faict appeller de moy-mesme moins informé, pardeuant moy-mesme mieux informé. Ie deduiray succinctemét & simplement les causes de mon retractement, auquel l'ay trouué tres-veritable ce que dict le Canon 7 Graue. 35. quaft.9. Scauoir que Retractatur indicium quia Veritas sapius exaguata magis splendescit in luce: & feray gloire auec Sainct Augustin lors que sur ses vieux ans il retractoit ses premieres opinions, non d'estre irreprehensible en mes aduis, mais bien de les reprendre moy-mesme ; non d'estre incapable de repentir & des occasions d'iceluy, mais bien de l'auoir formé felon Dieu; me persuadant, que lors qu'il s'agit de donner lieu à la verité contre l'erreur, la propre accusation tient lieu de desense, & la propre condam-

nation justifie, Neque enim quisquam nisi imprudens ideo quia errata mea reprehendo me reprehendere audebit, disoit ce Sain& & docte Prelat tout à l'entrée des deux liures de ses Retractations, sed si dicit non ea debuisse à me dici, que postea mihi etiam displicerent, verum dicit, & mecum facit, eorum quippe reprehensor est quorum & ego, neque enim ea reprehendere deberem si dicere debuissem: sed qui primas habere non potuit sapientia, secundas habeat partes modestia, ve qui non Valuit omnia impænitenda dicere, Saltem pæniteat que cognouerit dicenda non fuisse. Car apres auoir pesé le tout plus solidement, i'ay en fin recogneu que l'Institut de cette Compagnie a esté erigé en sa fondation sur le premier plan de la perfection qui esclatoit en l'Eglise naissante, de sorte qu'il doit plustost estre censé renounellé, sur iceluy, que nouneau, ainsi que parle, quoy que en autre subject, le Canon 2. praceptis. S. non nouum. 12. d. Qui considerera attentiuement l'ardente priere que Iesus-Christ fit à son Pere auant d'aller à la Croix pour l'vnion & l'vnité de son Eglise en son total, & en ses parties, iugera facilement que toutes les Congregations Monastiques ou de Clercs qui ont esté, sont, ou seront dans l'Eglise, procedent de la vertu & esficace de cette priere. La practique des Apostres & Disciples dés . le commencement de l'Eglise, monstre dans les Actes que telles Compagnies & Societez sont veritablement Euangeliques & Apostoliques, & qu'elles partent immediatement de l'esprit de Dieu. Lors que le Clergé a esté le mieux reiglé du temps de S.

Hierosine can. 34. In omnibus. d. 5. soubs S. Augustin can.10.nolo, can.11. non dicatis, & can. 18. certe 12.9.1. il a esté formé & rangé en telles Congregations que Sain& Augustin appelle nommément Societez ou Compagnies. On peut voir dans tout le recueil du droict Canon, en diuers lieux, que cette vie, en societé & communauté pour les Clercs a esté tousiours grandement desirée & fauorisée par l'Eglise, comme vie Apostolique, can. 6. prater hoc. 32. dist. can. 3.neceffario. can. 8. quia tua, & can. 16. videntes. 12. queft. 1. & que les Sain Es Peres ont toussours tasché de renouueller, restablir & entretenir parmy le Clergé cette façon de viure en societé, communauté, & Compagnie, cap. 9. Quoniam Vt ait, De Vita & honestate Clericorum. exir. Cette vnion & bon accord, auec vn zele remarquable pour la gloire de Dieu & pour le salut & perfection du prochain, se voit oculairement en l'Institut & Fondation de cette Compagnie, laquelle respond veritablement à ces anciens Chanoines can. 24. In omnibus, de consecratione d. 5. qui despuis ont esté appellés Chanoines reguliers, lesquels ne viuoient pas auec moins de pieté & saincteté que les Moines & solitaires cap. 5. Quod Dei timorem. S. licet. De statu monachoru extr. can.4. Prafens, in fine, 20. quast.3. Sain& Augustin a fai& plusieurs Sermons de telle, sorte de vie sociale intitulez De communi vita Clericorum, par la lecture desquels on apprendra, que cet Ordre ressemble à peu pres aux anciens Chapitres lors de leur pureté originelle, sans desvnion, ny proprieté.

voire de plus, auec la perfection d'une entiere & estroitte expropriation de tous biens pour leurs maifons Professes.

Quant à la crainte que nous semblions donner aux esprits par nos susdictes Missiues que cette Compagnie assortie de tant d'auantages ne fust grandement prejudiciable au public, si elle laissoit alterer en soy l'esprit que Dieu y a inspiré, il n'est mal aisé d'y fatisfaire: Car les souuerains en l'Estat ou Ecclefiastique ou seculier, pourroient y apporter tousiours le remede conuenable, (comme le remarque sagement ledit sieur Cardinal) & preuenir les mauuais effects, en cas de deterioration, par leur prudence & vigilence accoustumée, joincte à la consideration de leurs interests; les ennemis de cette Compagnie ne manquans d'ailleurs d'y veiller pour la surprendre, & de tascher d'en fournir les aduis à ceux qui s'en font rendus les garents par leurs approbations & confirmations; Mais puis que l'esprit de Dieu est syncerement conserué en cet Ordre, il n'y a rien à craindre pour le present, & n'y a-il lieu de mauuais presage pour l'aduenir. L'Estat Monarchique de l'Eglise, soubs l'obeissance du vicaire de Insvs-Christ, l'vnió des Princes Chrestiens & Catholiques soubs 'l'obeissance d'un chef, l'authorité & gradeur du Clergé, bref tout ce qu'il y a en l'Eglise & au mode de pl' auguste, de plus sainct, & de plus puissant se pourroit par mesme raison rendre reformidable, & ietter en mille soubçons & fausses alarmes le demeurant du monde, si on n'auoit son recours à la prouidence de

Coulous L

Dieu, & à l'assistance qu'il ne peut resuser pour la conduite & continuation des desseins emanez de sa supreme sagesse, & aux remedes que le temps doit sournir sur les incidens & occurrences des empirements qui suruiennent à ce qui a de saincts commencements. Bien auons-nous vn plus puissant motif pour aggreer sans apprehension les aduantages de cette Compagnie, lesquels causeront vn tresgrand nombre de bons & salutaires effects en toute la Chrestienté; puis que le bien se communique & s'augmente d'autant plus abondamment qu'il est

plus assisté, assorty, & fortisié.

Nos principaux fondemens pour l'opposition & la suite, estoient la nouveauté & contreuention pretenduës aux anciens Canons & Saincts Decrets de l'Eglise en fai& des Privileges & de l'establissement de cette Compagnie. Mais quand bien la forme de cet Institut ne seroit essentielle & née auec l'Eglise mesme, on doit considerer qu'il n'est pas de l'authorité des souverains, comme de l'allocation des creanciers qui sont rangez selon la priorité, ou posteriorité du temps, ou selon le prinilege de leur debte. La souveraineté ne meurt ny ne veillit, ains est toufiours vne mesme, sans receuoir alteration par le changement des princes & des chefs, singulieremet en l'estat Monarchique de l'Eglise lequel par droict diuin inuiolable ne peut changer de face ny estre en rien diminué, & où le successeur au siege reçoit de son predecesseur le mesme pouvoir sans restraincte & sans limitation, auec authorité de remettre sur

pied, ou d'abroger les loix de tous ses deuanciers. C'est ce que dit le Pape Innocent III. in cap. 20, Innotuit. S. quamuis, de Electione, extra, Quamuis autem canon Lateranensis Concily ab Alexandro predecessore nostro editus non legitime genitos adeo persequatur quod electionem talium innuit nullam esses nobis tamen per eum adempta non fuit dispensandi facultas, cum ea non fuerit prohibentis intentio, qui successoribus suis nullum potuit in hac parte præiudicium generare, pari post eum imò eadem potestate functuris, cum non habeat imperiu par in parem ; à quoy se raporte aussi le chap. I.licet. De Constitutionibus. in 6. Ce seroit crime de leze majesté de mettre en compromis la puissance du prince souuerain, ou vouloir contrerooller son jugement sur les auantages, faueurs, & bien-faicts, qu'il luy plait faire à certaines personnes. 1.5. sacrilegi, De diversis rescriptis. l. 2. De Crimine sacrilegij. C. qui semble estre vne response à la plaincte faicte sur la creation de Symmachus faict Prafectus rbi, de laquelle il fit rapport à son Empereur, auquel il sembloit que l'injure estoit faicte en l'Epistre 34. du dixiesme liure, quoy que les addresses & inscriptions ne se rencontrent pas bien. Vn Roy pour succeder après plusieurs autres n'est pas moins Roy que ses predecesseurs, & ses ordonnances ne sont pas moins loix que les plus anciennes des autres. Les Ordres Religieux formez en l'Eglise ou resormez sur leurs premiers principes sont tous presque vn en substance, & procedent d'vn mesme esprit de Dieu qui les a appropriez aux diuers besoins de son Eglise. Ils ont tous egalement esté authorisez par le

Sainct Siege, can. 2. praceptis. 12.d. l'authorité duquel ne vieillit point, non plus que l'esprit de Dieu qui le regit, & qui a engagé sa parole pour la manutention perpetuelle de la pierre, qui est le chef visible, & de l'Eglie bastie sur icelle, en Sainct Matthieu chap. 16. vers.18.L'institut des Peres Iesuistes se trouue authorisé par Bulles tres-particulieres & tres-formelles de tous les Papes qui ont presidé en l'Eglise depuis leur fondation, auec expresse & formelle derogation de toutes loix, constitutions, ou vsages contraires qui pourroient auoir esté approuuez, ou authorisez prealablement par le Sainct Siege: & de plus est-il confirmé par le sacré Concile de Trente, sess. 25. chap. 16. qui en parle en ces termes, Per hæc, fancta Synodus non intendit aliquid innouare aut prohibere, quin Religio Clericorum Societatis I E S V iuxta pium ac laudabile eorum institutum à sancta sede Apostolica approbatum, Domino, & eius Ecclesia inservire possit. Et est à remarquer que le Vicaire de IESVS-CHRIST a estimé que les oppositions formées à l'encontre de cet Institut redondent notablement au prejudice du corps de l'Eglise de Dieu. Ainsi en parle Gregoire X I V. en la Bulle de la confirmation de cet Institut en datte du 26. de Iuin 1591. Religio Societatis I E S V, quam nouissimis hisce diebus diuina providentia excitavit, adeo strenue laboravit; ac fine intermissione laborat, vt illius vel turbationem, & infirmitatem, ad commune Ecclesia damnum, vel pacem atque integritatem ad eiusdem Villitatem maxime pertinere putemus. Et deuant luy encores Gregoire XIII. en datte du 1. Feurier 1581. Quanto fructuo siùs in colenda domini

vinea se exercet veneranda IESV Societas, dignisque aterna mercede operarijs abundare conatur, tanto propensius contendimus eam religiosámque subinde quam instituit prolem, Inde tota respublica Christiana Vbique subleuatur, prosequi ac fouere, simulque omnia remouere, quibus & spiritualis splorum profectus retardari, & charitatis feruor qui ab eifdem in regeneratas pretioso Domini sanguine animas se diffundit, alicubi refrige cere, aut in lubricum diffluere posset. La voix du lieutenant de IESVS-CHRIST pronocée fi fauorablement pour cette Compagnie, ne doit-elle pas seruir de contrepoids au zele indiscret de ceux qui la veulent noircir & rendre odieuse à l'uniuers. foubs couleur & apparence de bien? Nostre Iustinian escriuant à Epiphane Archeuesque & Patriarche de Constantinople, ne receut-il pas à tiltre de ferment d'vnion & de signe & marque d'vnité en l'Eglise Catholique, la coustume inuiolable de ne rien innouer ou alterer ez constitutions & vsages de l'Eglise, sans l'adueu du sainct Siege de Rome chef de tous les Prestres & Prelats de l'Eglise de Dieu? l. 7. Cod. De summa Trinit. & fid. Cathol. N'est-ce pas le premier throne de la Chrestienté & de toute l'Eglise? ainsi que le Concile sixiesme general tenu à Costantinople parle au Pape Agathon, act. 18. Ep. ad Agath. · N'est-il pas Archeuesque œcumenique, & Archipasteur œcumenique?pour vser des propres termes du Concile general tenu à Chalcedoine act. 3. & de cet autre tenu soubs le Patriarche Mennas à Constantipople act. 1. La coustume des Cóciles ne porte-elle pas au raport de Valentinia III. Empereur que l'on

aye recours à cette chaire souveraine parvoye d'appel,icelle estat saisie d'une supreme & vniuerselle iurisdictió mesme sur les Patriarches d'Orient suiuat le texte de l'Epistre de cet Empereur, grauée sur le frot du Cocile de Chalcedoine: lequel Cocile coposé de fix ces Prelats, se soubsmet pareillemet à ceste authorité en l'action premiere, à l'encotre de Dioscorus Patriarche d'Alexandrie, come au chef & au Prince de toutes les Eglises du mode. Celestius & Pelagius n'ot ils pas esté estimez vniuersellement beretiques sur la fimple condanation des Papes de Rome Innocent & · Zozime? si nous donnons creance à S. Augustin leur contéporain Epist. 90.91.93.106.157. & à Prosper fon disciple, cotra Collat. & in Chron. Tout nostre droict, toute l'histoire tant de l'Eglise que des Empereurs, n'est elle pas remplie d'exemples & ordonnances qui confirmét en vne infinité d'endroicts (que ie n'obmets que pour n'estre si long, & parce que ce mié discours n'a besoinde puissate preuue à l'endroit des ames Catholiques) ceste verité si brillate & si claire, qu'elle semble escrite par tout auec les rayons du Soleil mesme? Pourquoy donc estriuer contre cette mesme verité en la cause des seuls Iesuistes si notoirement approuuée, authorisée, & confirmée par le Sainct Siege Apostolique? C'est à cette chaire de Rome que toutesles Eglises se doiuent accorder, ad hanc Ecclesiam propter potentiorem principalitatem necesse est omnem Ecclesiam conuenire, disoit S. Irenee en vn âge hors de foubçon, lib. 3. aduerf. har. cap. 3. & S. Augustin Epist. 162. semper in ea floruit principatus. La playe du schisme n'est moins mortelle que celle de l'insidelité, August. lib. 1. de Bapt.contra Donat. c. 3. grauiùs feriunt vulnere schismatie, quam insidelitatie. Et n'est-il moins loüable de perdre la vie pour euiter le schisme que pour se faire quitte de l'idolatrie, suiuant la sage remonstrance de Denys d'Alexandrie, escriuat à Nouatus chez Eusebe liure se chap. 45. Qui est-ce doc qui ne iugera que c'est auec raison que ie me laisse posseder à ces ressentimés sur ces cossiderations lesquelles n'ayant assez examiné i'auois employé most à propos les ancienes loix des Papes touchant la police des Religieux, contre les prerogatiues auantages de cette Copagnie receuë auctorisée auec iceux par cette supreme auctorité qui derrogeoit d'autant à ces premieres cossitutions?

La distinction mesme des maisons Professes de cest Ordre, laquelle on prenoit en butte à l'occasion de la fusdicte opposition du Chapitre, est particulierement auctorisée en toutes les Bulles confirmatiues de cest Institut, desquelles ie ne cotteray que ce traict du Pape Iule III en datte du 1.d'Aoust 1550. Voueant singuli & vniuersi perpetuam paupertatem, vt non solum privatim, sed neque etiam communiter, possint Professi vel Vlla eorum domus aut Ecclesia ad aliquos proventus, reditus, possessiones, sed nec ad vlla bona stabilia, præter ea quæ opportuna erunt ad Vium proprium & habitationem, retinenda, ius aliquod ciuile acquirere, rebus sibi ex charitate donatis ad neceffarium vitæ Vium contenti. Termes qui nous sont conceuoir la pureté de cest Institut lequel ne vise qu'au bien solide de l'Eglise, & non à ses propres commoditez & interests; veu que s'il accepte des Nouitiats & Colleges

rentez & fondez, ce n'est que pour la necessité & vtilité des lettres, & pour former à perpetuité nombre suffisant d'esprits plus solidement capables en toute bonne litterature, & les destiner par apres aux trauaux des predications, confessions, & autres ministeres de leur Institut tous dressez à la gloire de Dieu, au falut des ames, & à l'auancement de l'Eglise. Là ou pour les maisons des Profés plus auancez en âge, experience, capacité & trauaux en leur Ordre, elles espousent vne extreme & tres-rigide pauureté, fans pouuoir receuoir ny en commun ny en particulier aucune sorte de rente ou reuenu, pas mesme pour l'Eglise & Sacristie, & de plus sans auoir la faculté de receuoir chose quelconque à tiltre de salaire & recompense, en consideration d'aucun de leurs ministeres spirituels prattiquez à l'endroict du prochain: Voire tous ces Profés affermisset ce vœu si rigide, par vn second qui les oblige auec mesme & plus grande aspreté, à ne iamais doner cosentement en aucune saçó,à ce que ceste indigence se relasche en leur Ordre: façon de faire qui nous descharge d'autant des ombrages qu'on auoit autrefois, que ces maisons Professes ne changeassent en brief de face, & ne s'erigeassent en forme de riches & opulents Chapitres, puis qu'il y a si loing de leur besasse à l'aumusse, & de ceste si exacte mendicité, à ces imaginaires opulances, & de ces vœux si curieusement & exactement recherchez en faueur d'une totale expropriation, au desir d'amasser des thresors, & de s'enrichir en ce monde. C'est pour iouyr des sacrées richesses de la

pauureté Euangelique, que les Peres Profés se logent hors de leurs Colleges, tout autant qu'ils le peuuent moyenner par l'erection de semblables maisons Professes, comme il se voit à Rome, à Paris, à Naples, à Palerme, à Milan, à Genes, à Lisbonne, à Anuers, & mille autres bonnes villes de la Chrestienté, où on les voit dés si long temps, auec les Colleges & Nouitlats, distinguées de lieu & d'habitation: Separation qui porte de plus vne grandissime vtilité pour le particulier de leur Ordre, & en suite pour l'Eglise de-Dieu, laquelle se preuaut d'autant des bonnes qualitez de ces religieux : d'autant que les exercices tant des Nouitiats & maisons de probation, où il est necessaire que les ieunes plantes soyent cultinées anec vn soing particulier pour estre d'autant plus sermes & plus fortes en la vertu, aux rencontres & heurts de la vie commune & hantise du monde, comme aussi les actions qui se raportent à la police des Colleges, & à l'institution & erudition és bonnes lettres, se prattiquent d'autant plus solidement que moins on est diuerty & interrompu par les autres fonctions dressées au secours spirituel des prochains; Comme aussi reciproquement ces mesmes fonctions des predications, exhortations, catechismes, confessions, confolations des malades, & femblables, s'exercent d'autant plus serieusement, & auec plus de repos, & de satisfaction, qu'il y a des personnes affectées à ce dessein, escartées de toute autre sorte d'occupation, en lieu destiné à cet effect, pour seruir au salue des ames, à toute sorte de rencontres & d'occasions. D'où

s'ensuit pareillement que leurs Colleges en sont secourus d'autant plus, s'abstenants totalement de tels exercices, fors qu'en faueur des seuls escholiers, és villes où ils ont le moyen de s'en descharger sur leurs maisons professes. La longue durée & le continuel accroissement de cette Compagnie tant combattuë, les profits & vtilitez que la chrestienté en reçoit si notoirement, specialement par l'exercice de leurs maisos professes, la haine enragée de Satha, & des infidelles, & heretiques ses supposts, contre cet Ordre qui se hazarde à tous rencontres, voire à mille martyres, és lieux les plus escartez de la terre habitable, pour l'accroissement de la foy, & seruice de Dieu, tesmoigne assez qu'il y a quelque esprit celeste qui possede, regit, & anime ce corps, & en manie & pousse les ressorts pour en retirer des signalez auantages de sa diuine gloire.

Toy TE la vie de IESVS-CHRIST n'est qu'vne Croix continuelle, non seulement pour les espines & mesaises qu'il a rencontrées & recherchées tout à dessein en toutes les actions & circonstances d'icelle: mais aussi par ce que la Croix estoit la mire de toute sa vie, le but & comme le centre où visoient & aboutissoient toutes ses intentions. Ce deuroit aussi estre le dessein de tous les Chresties, qu'ils n'eussent autre science, ny autre gloire, comme dict Sainct Paul, que IESVS-CHRIST crucisse: Mais, poursuiuant auec ma naïsueté, & candeur accoustumée, mes conceptions touchant ces Peres, il me semble que particulierement ce bonheur leur est affecté & comme propre,

de mener tousiours vne vie tres-laborieuse & penible, & d'auoir de plus la felicité d'accroistre ces trauaux par vne profession plus estroite, à mesure qu'ils vont plus auant, à l'opposite du commun des Chrestiens qui souspirent d'autant plus apres le repos. En quoy ie remarque quelque chose de pareil à la deuotion & pieté des anciens Moines, lesquels, apres plusieurs preparatifs & exercices de saincteté & de sçauoir prattiquez en leurs maisons ordinaires, se redui-· soient en fin en des lieux separez pour s'occuper és actions plus eminentes de la vie solitaire & contemplatiue, d'où ils estoient apellez Anachoretes & Hesychastes, comme qui diroit, sequestrez de la commune conversation, & vacquans aurepos de l'esprit, & aux delices de la vie spirituelle plus vnie auec Dieu en vn estat de plus sublime perfection; ainsi qu'il se voit tres-clairemet de la Nouvelle 4. de Iulian Antecesfeur, chap.4. laquelle respodà la Nouuelle cinquiesme de Iustinian, De Monachis. Collat. 1. Quoy qu'il y a encore beaucoup de difference en faueur de ces Peres, dautant que cette leur façon de viure és maisons Professes plus aspre & plus espineuse, outre le profit qu'elle leur apporte d'vne vnion plus tranquille & estroitte auec Dieu, est de plus grandement vtile & profitable au public, au bien des ames, & à l'aduancement de l'Eglise, & s'approche elle d'autant plus de la vie de IESVS-CHRIST, & de ses Sainces Apostres qui nous ont laissé en leur façon de viure le modelle le plus excellent de la vie la plus parfaicte. A quoy se rapporte aussi ce vœu solemnel tant heroique, & si parfaict, & important, que font les seuls

Profez en cet Ordre, d'obeissance au Saince Pere, & à leurs superieurs, s'obligeans par iceluy expressement à porter leur vie à tous dangers en quelcoque endroit du monde que ce soit parmy les fideles, ou infideles, pour le falut & instruction des ames, lors qu'on leur enjoindra. Vœu auquel, & à l'estroitte observation d'iceluy, on doit le merite de tant de sang que cet Ordre a espandu tres-courageusement pour la foy, & la plus part de la conversion de tant de millions d'ames qui dans le nouueau monde, enseuely . parcy deuant dans les tenebres espaisses & palpables d'une idolatrie Egyptienne, iouyssent, à present à pur & à plein des douces influences des rayons de la foy, & du Soleil de l'Euangile. L'on a voulu brocarder ces Anachoretes & Hefychastes susdicts, leur appropriant mesme par forme de reproche les paroles de la loy 25. Cum de indebito.ff. De Probationibus, Vir simplicitate gaudens, & desidie deditus : Et ce mal à propos, & sur vne soible & legere coniecture de Dorotheus interprete grec, raporté par Monsieur Cuias ad d. l. 25. Cum de indebito. lib. 3. quastionum Pauli. Veu que, primò, il n'y a pas vn seul mot dans le texte qui puisse venir à cette intention. Secundo, Iustinien entoutes ses Nouvelles & autres Constitutions qui regardent les Moines, a grandement loué & prisé la vie Monastique, comme il appert Nou. 79 cap. 1. 6 2. Nou. 123. cap. 27. & mefine en la fusdicte Nou. 5. De Monachis Collat. 1. là ou il parle des Anachoretes & He-(schastes, lesquels il dit estre de vie tres-parfaicte, vita summa constautos, selon la version de Iulien ia allegué. Terrio, parce que les mots de la loy Cum de indebito, comprennent indifferemment toute sorte de personnes lesquels vivant pour eux mesme cherchét leur repos en leur propre plaisir, comme il se voit clairement par ces mots du tout semblables dont vse Phædrus lib.5. Fabularum Aesopiarum, fabula 82. pour marquer telle sorte de gens qui n'ont soucy que de complaire à eux mesme, en l'occupation & vacation qu'ils choisissent, quelle quelle soit,

Quin etiam, dict-il, resides & sequentes vium:

In quis Menander nobilis comædijs.

Par où il appert clairemet que c'est malignement interpreter ledicttexte, que de le destourner au desauãtage des Moines, au lieu de l'entendre de ceux qui ne pensent qu'à s'exempter de peine, & à se donner du bon temps, & qui se contentent de jouir de leur particulier repos, & viure à leur guise & plaisir. Car au reste les Empereurs Chrestiens n'ont iamais blasmé que ceux qui à fausses enseignes, s'vsurpoient la qualité de Moines, & qui, sub specie Religionis, taschoiet de s'exépter des contributions & fonctios publiques, l. 26. Quida. De Decurion: bus. lib. 10. Cod. Mais quoy que ce pretédu reproche ne puisse porter coup à l'encontre des Moines, mesme les plus separez de la commune societé des hommes, leur retraitte & repos estant approuué par l'Eglise regie toussours de l'esprit de Dieu qui la possede, & n'ayant nulle marque d'oisiucté blasmable, non plus que la vie des Bien-heureux touterapportée aux actions de l'esprit & de la claire contemplation de la diuinité, durant l'eternité; si est-ce que les Percs Iesuistes sont encores plus esloignez en leur dicte separation de toute apparence

de ce blasme, dautant que par vne charité & prudenceremarquable emanée de la prouidence de Dieu en la Fondation de leur Institut, ils joignent à cette leur retraicte des Colleges vn insigne prosit pour le bien du prochain & auancement de l'Eglise.

RESTE seulement à esclaircir le souhait que i'auois de rendre promoteur Monseigneur le Cardinal de Ioyeuse de la limitation & restriction que ie desirois en cette Compagnie. Limitation que ie restrains totalement, auec vn absolu desadueu de tout autre res-. sentiment de plainte qu'on pourroit se phantasier contre cet Ordre si vniuersellement vtile à l'Eglise de Dieu& à l'Estat, ainsi que i'ay faict voir, à ce que, pour auancer dauantage le bien de l'Eglise, pour procurer vne solidité & vnisormité plus grande touchant la façon d'opiner & d'enseigner par toute la Chrestienté, pour obuier aux Schismes, pour empescher les ialousies, contentions, & estrifs reciproques, entre ceux qui ont en main l'Institution Catholique & la charge & office d'enseigner, il plaise à sa Saincteté d'entendre les aduis tant des Vniuersitez, que de tous autres qui y auroient de l'interest, & choisissant le bien & le mieux,& retranchant & corrigeant le mal, le tout foit vny en vn mesme corps soubs le nom, authorité, & loix reformées des Vniuersitez come plus anciénes en establissemet. Et a ce esté en essect mapremiere & derniere pretentio enuers feu Monseigneur le Cardinal, que i'ay affez clairement signifiée en ma seconde Missiue, où ie conclus ainsi, Ma fin en cela seroit qu'il vous pleust, Monseigneur, vous rendre promoteur d'un tres-grand bien que ie vous representeray pour toute la

Chrestienté, & pour les Peres I esuistes mesmes, I e dis, si trèsgrand bien, que ie le croy fondamental pour l'aduancement de

la gloire de Dien, & de son Eglise.

A tant la sincere declaration de mes intentions & ressentimens, soit sur ces deux Missiues susdites imprimées à mon insceu, soit sur mes efcrits precedens contre les Peres Iesuistes; comme aussi les raisons & motifs qui m'ont porté de mon mouuement propre, en suite de celuy que Dieu m'a inspiré par le langage & obligation de ma propre conscience, à faire cette retractation, les raisons & motifs de laquelle ie sousmets à vn examé bien rigide, & à toute sorte d'essais, tant la verité m'y paroist forte. Outre qu'il me semble, si iene me trompe bien sort, que ie puis estre tenu pour tesmoin affidé & irreprochable en cette cause, veu que par cy deuant ien'ay nullemét espargné cette Copagnie; & proteste, deuant la face de mo Dieu, que ie n'ay apporté, au present changement, que l'obeissance, docilité, & sincerité de mon esprit aux efforts des sentimens de Dieu, de ma conscience, & de la verité. De sorte que ie puis à bon droict supplier plus confidemment, & sans danger de flatterie, ou preoccupation, ceux qui regardent d'vn œil moins amy les actions de cette Compagnie, de vouloir considerer & peser meuremet, & sans passion, les raisons cy dessus deduites, & ouurir les yeux à la verité, à laquelle reuenant on n'en peut receuoir que gloire, qu'honneur, & que satisfaction.

A Tolose ce 5. de May, 1621. fauf le jugement de l'Eglise, à laquelle ie remets & soubsmets le tout.

GVILLAVME MARAN.

# APPROBATION DES

NO v s soubsignez Docteurs Regens en la faculté de Theologie en l'Université de Tolose, attestons auoir veu la Declaration & maniseste, saict cest année presente en datte du cinquiesme May, par Maistre Guillaume Maran Docteur ez droicts & Doyen en nostre dicte Vniversité, sur certains siens escrits concernans les Peres Ie-, suistes, Auquel n'auons trouvé rien de contraire à la Religion Catholique Apostolique Romaine; ains le tout plein d'edification chrestienne, & tres-digne d'estre mis en lumiere. Faict à Tolose ce 18. de May 1621.

I. PVTEANVS. DE PELISSIERUS F. DYRANDY.

oue is n'ay apporté, au twelets changement out l'o-

# PERMISSION DE SON

VEuë l'approbation des Docteurs cy-dessus signez, nous permettons que la susdite Declaration, de Maistre Guillaume Maran Docteur ez, Droicts &c., soit imprimée. Faict à Tolose ce 18, de May 1621.

R v p e l l e Vicaire subst.

· mastaistlaupal

Elegioce side Monte en